

Kruispad

Die reis van my lewe, oor ver en vreemde paaie, oor berge en riviere
het my uiteindelik tot hier gebring

Nou staan ek by 'n kruispad met soveel keuses om te maak

Soveel rigtings om te kies

Soveel stemme wat my dring

Dit voel asof 'n donkerte my denke kom bedek

Soos dowwe rigtingwysers aan 'n paal

Daarom kyk ek op na U en vra ek leiding op my pad

Want ek weet ek is verlore

Help my Here Jesus ek het verdwaal

Help my om te glo dat U die pad vir my sal wys

Al weet ek gladnie waarheen U wil gaan nie

Help my glo dat U by my is elke oomblik van die reis

Al kan ek U reisplan nie verstaan nie

Die reis van U lewe, was oor gewone aardse paaie, nederig gehoorsaam
om die wil van U Vader te volbring

U opdrag was die kruispad Net een keuse klaar gemaak

Net een rigting reeds gekies

Net één stem wat U dring

En toe die sonde van die wêreld in die donker U bedek

Kom daar rigtingwyserwoorde deur die pyn

Toe U opkyk en uitroep voor U sterwe aan die kruis

Want die wêreld was verlore - maar deur U offer aan die kruishout
het ons sondeskuld verdwyn

Here help my om te glo dat U die pad vir my sal wys

Al sien ek net een enkel tree vooruit

Help my glo dat U by my is elke oomblik van die reis

Help my om te loop soos U besluit

Help my glo dat U by my is elke oomblik van die reis

Want U loop op my kruispad voor my uit

Habakuk se gebed

Al sou die vyeboom nie bot nie
en daar geen druiwe aan die wingerde wees nie
en al sou die olyfoes misluk
en die lande geen oes lewer nie
en al sou daar geen kleinvee in die kampe meer wees nie
en die beeskrale sonder beeste wees

Nogtans sal ek in die Here jubel
sal ek juig in God, my Redder
Die Here my God gee vir my krag
Hy maak my voete soos dié van `n ribbok
op hoë plekke laat Hy my veilig loop

Daarom sal ek in die Here jubel
sal ek juig in God, my Redder

Vir die koorleier ... met snarespel

Hierdie Koning

Die seuntjie in die stal in Bethlehem was 'n regte seuntjie gewees
Gebore 'n gewone werker maar ontvang van die Heilige Gees
Verwerp, misken, verneder deur die mense van sy dag
Want wie sou ooit uit Nasaret 'n koning verwag ?

Maar hierdie seuntjie het groter geword en deur die Gees gelei
ten spyte van sy godheid, net 'n gewone mens gebly
En al was Hy die Heerser van die skepping gewees
was Hy 'n doodgewone seuntjie
maar gesalf en sonder sonde deur die Heilige Gees

Die Timmerman van Nasaret was 'n gewone man gewees
Maar die deernis in sy oë was die liefde van die Heilige Gees
verwerp, vervolg, beledig, deur die leiers van sy dag
Want wie sou ooit 'n koning tussen armes en siekes verwag ?

Ja hierdie Koning was gehoorsaam gewees aan wat sy Vader Hom vra
en, ten spyte van sy godheid, het Hy sy dienaars se las gedra
En al was Hy die Heerser van die skepping gewees
Was Hy 'n doodgewone man
wat harte weer kon heelmaak en siekes genees

Die spykers in Jesus se hande was regte spykers gewees
Die koning van die Jode het die teken bo sy kop gelees
Vervloek, vermink, gemartel deur die mense daardie dag
Want wie sou ooit 'n Koning stukkend aan 'n kruis verwag ?

Ja hierdie Koning het sy lewe gegee, Hy't volkome gely
en ten spyte van my sonde God se prys betaal vir my
En daardeur het Hy finaal die hel se magte verslaan
Hy was drie dae lank begrawe
maar deur die krag van God se Gees weer opgestaan

Ja hierdie Koning is waardig en heilig. Hy is op die troon
En ten spyte van myself - wil hierdie Koning in my woon
Ja hierdie Koning is al wat ek in my lewe begeer
Hy is die Weg , die Waarheid, die Lewe
Ek glo dit - ek weet dit verseker ...
Hierdie Koning kom weer

Herlewingslied (Esegiël 47)

Soos Eségiël van ouds het ons ook die droom gesien
`n Wonderwerk - die waterstroom by die tempeldeur
Strome, strome van water loop enkeldiep
Strome, bron wat in dorheid weer lewe bring
Heilige Gees kom vloei my hart met U heerlijkheid
Voed my met strome, laat my herlewing al verder uitkring
Voed my met strome, laat my herlewing U koninkryk bring

Soos Eségiël van ouds het ons langs die stroom geloop
die bome gesien met vrugte en blare wat lewe gee
Strome, strome begin nou al dieper word
Strome, bron wat die bome laat vrugte dra
Heilige Gees kom vul my hart met U heerlijkheid
Voed my met strome, dan dra ek vrugte dis al wat ek vra
Voed my met strome, dan dra ek vrugte dis al wat ek vra

Soos Eségiël van ouds het ons by die see gestaan
Die vissers gesien en geproe die water het vars geword
Strome, strome vloei wyd en is baie diep
Strome, bron wat my ook laat vrugte dra
Heilige Gees kom vloei deur my hart met U heerlijkheid
U lewende strome, U heerlike vrugte is al wat ek vra
U lewende strome, U evangelie sal ek uitdra

Moet ek gaan met leë hande ?

Moet ek gaan met leë hande ?

Moet ek so my Heer ontmoet

Nooit eers een keer my kruis gedra nie

en niks eers te offer aan Jesus se voet

Moet ek gaan met leë hande ?

Moet ek so my Heer ontmoet

Nooit eers een dag vir Hom gewerk nie

en niks eers te offer aan Jesus se voet

Moet ek gaan met leë hande ?

Moet ek so my Heer ontmoet

Nooit eers een keer vir Hom getuig nie

en niks eers te offer aan Jesus se voet

Moet ek gaan met leë hande ?

Moet ek so my Heer ontmoet

Nooit eers een siel na Hom toe gelei nie

en niks eers te offer aan Jesus se voet

Kom kyk na die werkers daar in die lande

wat moeg en krom met die sekels staan

Kom ons gaan help ook met die koring-gerwe

Kom laat ons ook na die lande toe gaan

Want dan gaan ons nie met leë hande

en kan ons blymoedig ons Heer ontmoet

Almal hier om ons gelei na Jesus

Die oes uit sy lande geoffer aan sy voet

Skimme

Daar is skimme op donker balkonne
met leë oop koffers wat wag
Daar is skimme op skemerperronne
wat wag op 'n trein na die nag

Weerlose, weerlose mense
Op reis van perron na perron
In 'n middernagland sonder grense of tyd
en 'n ewigheid ver van die son - van die son
en 'n ewigheid ver van die son

Daar is skimme gewikkel in jasse
Verskans teen die winde van ys
Daar is skimme met kiste soos tasse
Vol drome gepak vir die reis

Weerlose, weerlose mense
Op reis van perron na perron
In 'n middernagland sonder grense of tyd
en 'n ewigheid ver van die son - van die son
en 'n ewigheid ver van die son

Spore in die sand

My hele lewe het ek alleen geloop
Doelloos en bang het ek rondgedwaal
Toe ek my hart aan hom belowe het
het my Skepper my kom haal

Doe doe doe ...

Toe ek my hart aan hom belowe het
het my Skepper my kom haal

En nou loop my Skepper saam met my
Lei my soos `n blinde aan my hand
En as ek omkyk sien ek agter my
twee rye spore in die sand

Doe doe doe ...

Ja as ek omkyk sien ek agter my
twee rye spore in die sand

Maar nou sê ek jou in alle eerlikheid
Voordat jy my dalk daaroor vra
Soms loop die spore weer net `n enkelry
Want daar het my Skepper my gedra

Doe doe doe ...

Oral teen die steiltes is daar net `n enkelry
Want daar het my Skepper my gedra

Penniewhisselspeler

Sy naam is Siphon 'Jabula' Mafeke
Hy's die een wat by die beeste bly
En elke môre met die rooidag loop hy met sy penniefluitjie
saam met die beeste by die kraal verby

Ek bly alleen in die veld maar ek is nie bang nie
Ek kruip weg by die Veilige Gees
Ja ek ken die Modimo ek weet Hy is by my
So het my ouma vir my uit haar Bybel gelees
En Hy help my en Hy leer my
Hy wys my voete waar die veldpaadjie gaan
En Hy leer my en Hy wys my
om kiere teen die duiwel te slaan

Halleluja, Halleluja, 'Alleluja Nkosi Jesu
Halleluja, Halleluja, 'Alleluja Nkosi Jesu
Halleluja, Halleluja, 'Alleluja Nkosi Jesu

Ek weet presies hoe dit werk sê Siphon Mafeke:
Net soos ek by my pa se beeste bly
is die Here Jesus die Herder van Modimo se skape
Hy bly elke dag by my

Ek weet ek is klein ek is net 'n Umfana
maar ek gaan eendag koning wees
Ek weet ek is nou al in Modimo se Impi
Want Hy maak my net so sterk soos 'n bees
En Hy vra my en Hy help my
om sy liefde met my mense te deel
Ja Hy wys my en Hy leer my
om penniewhissel vir sy 'glory' te speel

En net soos ek was Morena Dawid
ook 'n penniewhisselspeler gewees
Maar in sy hart was klein Dawid
klaar 'n koning deur Modimo se Gees

Maria vir jou

Maria vir jou was die seer soveel dieper
Die rou in jou hart het ver meer geëis
want so min van ons ken die pyn van `n ma
waar sy staan voor haar seun wreed vermink aan `n kruis

Maria vir jou was die straf soveel groter
toe jy opkyk in Sy oë en jy sien hoe Hy ly
en jy staan verslae. Jy bid stil deur jou trane
Want eers baie lank daarna was Sy lyding verby

Maar Maria ook vir jou het die bloed uit sy wonde
genesing gebring Al jou sonde betaal
Want al was jy sy ma was jy as mens ook verlore
Maar nou kan jy weet Hy gaan jou ook kom haal

Ja Maria vir jou wag daar ewige vreugde
Losgekoop uit jou smart deur die bloed van jou Seun
en daar's `n groot bruilofsmaal in die hemel berei
Daar's jy en Jesus jou Here vir ewig weer een

Daar's `n groot bruilofsmaal in die hemel berei
Daar's jy by Jesus jou Here en vir ewig weer vry

Jabes se gebed

Seën my - seën my ryklik
Seën my - seën my daadwerklik
Vermeerder my grondgebied
Hou u hand oor my
Laat my lewe geen pyn veroorsaak nie o Heer
Seën my

In pyn is ek gebore. Jabes genoem
Deur my naam vir ewig tot smarte gedoem
Hoor my hart as ek eenvoudig vra

Seën my - seën my ryklik
Seën my - seën my daadwerklik
Vermeerder my grondgebied
Hou u hand oor my
Laat my lewe geen pyn veroorsaak nie o Heer
Seën my

Ek het nie baie woorde nie. Net 'n kort gebed
Maar ek glo U hoor my
En dat U my sal red
Hoor my hart as ek eenvoudig vra

Seën my - seën my ryklik
Seën my - seën my daadwerklik
Vermeerder my grondgebied
Hou u hand oor my
Laat my lewe geen pyn veroorsaak nie o Heer
Seën my

Bekering

Sonde

Besef

Verwarring

Pyn

Soeke

Ontdekking

Ondersoek

Aanvaarding

Helderheid

Ware berou

Belyding

Oorgawe

Gebed

Vergewing

Aangeneem

Skoongewas

Nuwe krag

Nuwe Pad

Nuwe doel

Nuwe leiding

Nuwe lewe

Nuwe mens

Nuwe krag

Nuwe Pad

Nuwe doel

Nuwe leiding

Nuwe lewe

Nuwe mens

My winter

My winter is 'n koue tyd, 'n doodgaantyd, 'n seerkrytyd
in die loop van my lewe se verhaal
Die yswind van my wintertyd is baie koud en hy waai so wyd
Laat die bome in my hart grys en kaal

Ek voel die ou bekende seer van my wintertyd
en ek weet ek sal maar weer die pad moet loop
Want soos die siklus van seisoene elke jaar herhaal
Weet ek dis nou weer tyd
om die jas van my geloof teen die koue toe te knoop

Maar winter is eintlik goeie tyd - al is dit soms 'n bitter stryd
Eers in die vaatjie word goeie druive goeie wyn
Want voor die môre was dit eers nag gewees
en seer sal net met tyd genees
en Kanaän kom eers na die droë woestyn

Ek leer my Skepper ken in my wintertyd
Ek kan warm teen die koue by Hom skuil
Kon Josef ooit die donker van sy put verstaan ?
So moet ek ook leer
om in geloof te staan - al moet ek soms ook huil

Ek voel die ou bekende seer van my wintertyd
maar ek glo dat die somer weer sal kom
Dis die saad wat later lewe en lig sal bring
'n belofte koud verys
wat eendag in die son tot God se eer sal blom

Hierdie Kind

Wie sou kon dink dat eeue terug - soos die profete sê
In Bethlehem 'n Kind sou kom wat in 'n krip sou lê
Wie sou kon dink dat hierdie Kind - Maria en Josef se seun
Die sonde van die wêreld op homself sou neem
Wie sou kon dink dat hierdie Kind wat lag en speel en sing
Vir al sy maatjies in die buurt en vir ons die lig sou bring
En wie sou kon dink dat hierdie Kind vir die wêreld se pyn en nood
As Verlosser aan 'n kruis sou hang - en opstaan uit die dood
 En o ek glo. Ek glo dit gewis dat hierdie Kind die Redder is
 En o ek glo. Ek glo dit gewis dat hierdie Kind ons hoop en redding is

Soos die jare kom en gaan sedert daardie dag
Soek die mensheid steeds na lig. Nog nooit was dit so nag.
Volke veg teen volke - een broer teen 'n ander
Wit teen swart en swart teen wit - dit het nog nooit verander
Soveel mense wêreldwyd leef steeds in hongersnoot
En atoombomme en vigs en aborsies maak miljoene mense dood
Die dwaasheid van die mensheid word die wysheid van die uur
En strome vuil besoedeling vernietig die natuur
Maar te midde van al hierdie chaos wat ons gladnie meer kan keer
Weet my hart verseker : Hierdie Kind kom weer
 En o ek glo. Ek glo dit gewis dat hierdie Kind die Redder is
 En o ek glo. Ek glo dit gewis dat hierdie Kind ons hoop en redding is

Wie sou kon dink dat hierdie Kind weer eendag terug sou keer
Om as Regter te kom oordeel en as Koning te regeer
Verstaan jy nou en kan jy sien wie hierdie Kindjie is
Dat Hy die Redder die enigste hoop vir hierdie wêreld is

Pretoria Jakarandastad

Pretoria Jakarandastad dis weer Oktobermaand
Miskien is dit die rede dat ek so verlang vanaand
Want hoeveel jare het jy nie my lief en leed gedeel
En stil geluister wanneer ek my ou kitaar bespeel

Doe doe doe doe

Stil geluister wanneer ek my ou kitaar bespeel

Pretoria Jakarandastad waar ek so graag alleen
straat op en af geslenter het in die lentereën
Waar meisies lank na middernag nog deur die vensters loer
en dromend luister na die lied van elke troebadoer

Doe doe doe doe

Dromend luister na die lied van elke troebadoer

Pretoria Jakarandastad die tyd gaan gou verby
En daardie jare lê soos ylblou berge agter my
Maar steeds is ek die troebadoer wat almal wil vertel
van jou ou Jakarandastad met sang en snarespel

Doe doe doe doe

Jou ou Jakarandastad met sang en snarespel

Doe doe doe doe

Jou ou Jakarandastad met sang en snarespel

Soos 'n man van die Woord

Here ons hoor U stem - U vra : Wie sal ek stuur
Om die wêreld te leer van God se liefde
Here ons meld ons aan - Raak ons aan met U vuur
Gee ons krag vir die stryd - Hou ons wil in U beheer
Ons sal gaan en ons sal leef in Jesus se liefde
Ek en my huis sal vertel en U dien met ons lewe

Here ons meld ons aan sodat U ons kan stuur
Maak ons mans van die Woord - Laat U Gees in ons regeer
Ons kan staan deur te leef net soos U Woord dit van ons vra
Want U liefde oorwin die krag van die dood

Ons sal oorwin deur U bloed en deur U woord wat ons bely
In U naam kan ons staan niks sal ons keer nie
Ons sal gaan - ons sal leef in U liefde
Ons sal gaan - ons sal doen soos U sê

Here ons meld ons aan - Raak ons aan met U vuur
Maak ons mans van die Woord
Laat ons saam met U regeer
Ons sal gaan - ons sal leef soos U Woord ons beveel
Ons sal gaan - ons sal leef soos U Woord ons beveel
Soos 'n man van die woord

Splinterruit

My oë is 'n splinterruit
wat bly weerkaats al kyk ek uit
en ewebeelde dwaal verby
maar dra onwetend iets van my
Maar ek kan sing as ander vlug
voor werwelwind en bliksemlug
want deur die krake in die nag
sien ek 'n helder nuwe dag

Die oë is 'n splinterruit
Dus moet jy leer om skerp te kyk
Wie meen jy's blind doen onbewus
dit wat presies wys wat hy is
Maar ek kan sien as sieners tas
na iets wat is en altyd was
Want hoor die reën en wind praat saam
en in die kranse dreun 'n naam

My oë is 'n splinterruit
wat bly weerkaats al kyk ek uit
en skewe beelde hink verby
en word onwetend deel van my
Maar ek sal klim en hoër beur
Selfs doringtakke gryp en skeur
Want op die berg se ruwe rug
Is môre ver maar reeds in sig

Want op die berg se ruwe rug
Is môre ver maar reeds in sig